



COMO DARSE DE ALTA NO EXPEDIENT-E (FIDES)?

Antes de poder acceder ao Expedient-e (FIDES) ten que darse de alta no sistema. Os métodos para realizar a alta son os seguintes:

Seleccione o tipo de autenticación co que quere identificarse

ACCESO CHAVE 365 ?

Usuario...

Contrasinal...

ACEPTAR

ACCESO CON CERTIFICADO ?

VALIDAR CERTIFICADO

1. MEDIANTE CHAVE365 DA XUNTA DE GALICIA

[CHAVE365](#) é o sistema común e único da Xunta de Galicia, que permite aos cidadáns identificarse e asinar documentos na súa sede electrónica. Para obter a CHAVE365 pode proceder dun dos seguintes xeitos:

- **Presencialmente**, dirixíndose a calquera centro de saúde de Galicia ou a algún órgano ou unidade administrativas da Xunta que realice tarefas de rexistro de usuarios CHAVE365. Na seguinte ligazón dispón dunha [listaxe de organismos habilitados](#). Deberá acudir persoalmente o interesado e acreditar o documento de identidade (NIF/NIE).
- **Electronicamente** a través da sede electrónica da Xunta de Galicia, solicitando a "Alta con certificado" na súa propia web. Para isto ten que contar cun certificado dixital válido*.

*Teña en conta que, o feito de dispoñer xa dun certificado dixital, permítelle o acceso a Expedient-e polo outro dos métodos habilitados, sen ter que realizar a alta en CHAVE365.





2. MEDIANTE CERTIFICADO DIXITAL

Os certificados aceptados máis comúns son: o expedido pola FNMT (Fábrica Nacional de Moeda e Timbre), o certificado Camerfirma e o DNI electrónico (DNIe), o cal pode obter nas oficinas da Dirección Xeral da Policía.

Para obter un certificado dixital expedido pola FNMT é preciso solicitalo a través de Internet (nesta [ligazón](#)), ou ben en calquera oficina da Axencia Tributaria (Ministerio de Economía e Facenda).

Se dispón da tarxeta sanitaria do SERGAS co chip electrónico activado como certificado, esta xa contén un certificado dixital da FNMT, polo que non será necesario solicitar un novo.

Para a identificación mediante a tarxeta sanitaria co chip electrónico ou a través do DNI electrónico, é necesario dispoñer dun dispositivo lector de tarxetas. O certificado dixital da FNMT, pola súa banda, deberá estar debidamente instalado no propio equipo do profesional.

Outros certificados tamén válidos son: VINCASIGN, UANATACA, SIA, FirmaProfesional Izenpe Cidadáns e Entidades, AUTORIDADE DE CERTIFICACIÓN DA AVOGACÍA e ANF Autoridade Intermedia de Identidade.

